

## CONVENIO DE COLABORACIÓN ENTRE A AXENCIA DE TURISMO DE GALICIA O CONCELLO DO PÁRAMO PARA REXENERACIÓN VIAL E INSTALACIÓNS BÁSICAS PARA ÁREA DE ESTANCIA DE AUTOCARAVANAS NA PARROQUIA DE VILARMOSTEIRO

O xerente de Turismo de Galicia

### DECLARA:

Que esta Axencia Turismo de Galicia formalizou co Concello do Páramo o instrumento convencional arriba referido por un período de vixencia que abrangue dende a data da súa sinatura ata o 31 de decembro de 2026.

Que o instrumento convencional ten por obxecto establecer as bases de colaboración entre a Axencia de Turismo de Galicia o Concello do Páramo para rexeneración vial e instalacións básicas para área de estancia de autocaravanas na parroquia de Vilarmosteiro.

Que existe converxencia de intereses entre as entidades asinantes en orde á consecución obxecto referido.

Que o instrumento convencional que se pretende asinar se **fundamenta** no seguinte:

**Primeiro.-** A Axencia Turismo de Galicia, en virtude do disposto no artigo 9 dos seus estatutos, aprobados polo Decreto 196/2012, do 27 de setembro, é a entidade pública instrumental do sector público autonómico de Galicia á que lle corresponde o impulso e execución da política turística da Xunta de Galicia en relación coa promoción da calidade e a innovación, o desenvolvemento, mellora, información e difusión do sector turístico galego, potenciando a devandita oferta, mediante a comercialización, información e difusión do produto turístico da Comunidade Autónoma de Galicia.

Para lograr esta finalidade a Axencia Turismo de Galicia acomete, no ámbito das súas competencias, un decidido apoio á promoción e fomento do sector turístico de Galicia a través daquelas accións que lle permiten acadar os seus obxectivos.

**Segundo.-** O Concello do Páramo, no seu propósito de fomentar as actividades turísticas e culturais como un importante sector de desenvolvemento nas zonas rurais, está a promover todos aqueles aspectos e actuacións que faciliten o acceso de todos os veciños e visitantes a aquelas zonas que pola súa importancia turística merecen ser visitadas.



O Concello no intento da posta en valor do patrimonio cultural existente e co fin de dalo a coñecer ás persoas visitantes que recibe, propón a execución de actuacións de recuperación e mantemento en correcto estado de conservación de diferentes bens de interese patrimonial, de xeito que as condicións nas que se atopen sexan acordes o medio onde se emprazan. Pretende levar a cabo os traballos necesarios para levar a cabo as obras necesarias para a rexeneración do pavimento aglomerado en quente nunha rúa emprazada en Vilarmosteiro no núcleo do Páramo (Lugo) e ademais propón crear as instalacións para un estacionamento de auto caravanas na explanada próxima ao polideportivo municipal.

No que respecta á primeira actuación, o tipo de pavimento a empregar consistirá no extendido dunha capa de aglomerado asfáltico. Seguidamente, procederase á sinalización da rúa. A zona xa conta con beirarrúas que quedarán ao mesmo nivel que a calzada, o que facilita o acceso e é especialmente útil para a mobilidade reducida. Executarase unha cuneta de formigón con dimensións de 1 metro de ancho e 30 cm de profundidade.

No que respecta á segunda actuación, levaranse a cabo as instalacións precisas de saneamento- evacuación, eléctricas e fontanería para unha zona destinada ao estacionamento de pernocta de autocaravanas. A zona de servicios constará de sistemas de vaciado de augas grises e negras, tomas de auga potable e depósitos para recollida de residuos sólidos domésticos. Disporá tamén de paneles informativos para o correcto uso das instalacións. Espacio de aglomerado liso e conectado á rede de alcantarillado onde a autocaravana pode realizar as tarefas de mantemento.

A zona de aparcamento destinado ao estacionamento e pernocta das autocaravanas por un tempo limitado. Proxéctanse 5 prazas para un total de 5 autocaravanas. Disporá de pavimentación e prazas de aparcamento sinalizadas.

**Terceiro.-** Por outro lado, a Estratexia de Turismo de Galicia 2030 ten como misión impulsar un turismo auténtico e sostible. Esta articúlase a través de misións, sendo unha delas a mobilidade, conectividade turística e reequilibrio territorial. Unha primeira liña de traballo incide en mellorar a percepción do destino e garantir e facilitar información sobre este. En segundo lugar, o turismo é a grande actividade económica capaz de redistribuír riqueza e facilitar emprego en áreas especialmente vulnerables e que afrontan o reto demográfico. A estratexia busca apuntalar o turismo rural cara ao ano 2030, mellorando a súa planificación, facilitando investimentos e xerando novas experiencias, máis atractivas e innovadoras, pero, sobre todo, que reforcen a cultura e a identidade local.



Neste senso cómpre mellorar os investimentos no turismo rural para manter o rico patrimonio histórico ou, con carácter xeral, xerar infraestruturas básicas que melloren a experiencia turística. Consegúrase así non só mellorar a accesibilidade a zonas menos visitadas, senón que tamén se contribuírá a distribuír os fluxos turísticos de maneira máis equilibrada e fomentárase un turismo responsable e sostible.

A Axencia de Turismo de Galicia está interesada en colaborar neste proxecto, que supón a posta en valor dos recursos turísticos do concello, o que tamén contribuírá á revalorización do turismo da Comunidade Autónoma e a necesidade de atender áreas con necesidades específicas para a posta en valor e humanización dos elementos patrimoniais do concello, ofrecendo aos visitantes e peregrinos produtos turísticos seguros, que incidirán na promoción e potenciación do turismo en Galicia.

Estas melloras inciden na promoción e potenciación do turismo en Galicia, non sendo posible promover a concorrencia, por ser o concello a entidade impulsora da actuación.

Por outra banda, a falta de recursos dun pequeno concello para poder acometer as devanditas actuacións, nun marco orzamentario restritivo, de austeridade e control do gasto público e, asemade, necesariamente estable por imperativo legal para as entidades que integran a Administración local, configuran un contexto do que se derivan, entre outras consecuencias, a imposibilidade para o Concello do Páramo de afrontar en solitario os compromisos económicos que a indispensable execución das actuacións obxecto de subvención, representan para a facenda local.

Que este proxecto supón a posta en valor dos recursos turísticos do concello, o que tamén contribuírá á revalorización do turismo da Comunidade Autónoma, co obxectivo de incrementar a favorecer a atención ao turismo de autocaravana, dada a gran demanda existente e a pouca oferta na nosa comunidade para as persoas usuarias que optan por esta forma de viaxar.

Que a través deste convenio, outórgase ó Concello do Páramo unha subvención directa en virtude do disposto no artigo 19.4 c) da Lei 9/2007, do 13 de xuño, de subvencións de Galicia, polas razóns de interese público, social, económico e humanitario expostas nos puntos anteriores que dificulta a súa convocatoria pública, de conformidade co previsto no artigo 26.2.a) da Lei 9/2007 do 13 de xuño, de subvencións de Galicia.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados Lei 9/2017, do 8 de novembro, de contratos do sector público, ou doutro instrumento alleo á natureza estritamente convencional.



En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria, en Santiago de Compostela

O xerente de Turismo de Galicia

Antonio Casas Calviño

